


Jaorverslaag 2011-2012

De Tempeleers



Stiechting De Tempeleers Mestreech
Posbös 2424, 6201 EA Mestreech

Inhaajd

Proloog	3
Oetrope Vastelaovendsleedsje 2012	4
De Jaorvergadering op 18 november 2012	6
't Oetrope vaan de Stadsprins 2012	8
De kemissie Binnegebäöre	11
De Financieel kemissie	18
De P.R.-kemissie	22
De Kanselarijraod	28
't Garderizzjemint de Kachelpiepers	32
Op weeg nao de mach	34
De Machseuverdrach	36
De Vastelaovendsdaog / kemissie Boetegebäöre	41
De lèste menute op Vastelaovendsdinsdag	53
In Memoriam	54
Euverziech vaan de Tempeleersorganisatie	56
Epiloog	59
Colofon	60

Proloog

't Jaor is weer umgevloge
e Jaor door d'n vinger geglip
e Zjubileijaor mós 't weure
Wat is tied toch veur e raar begrip

Hoonderd plus zès kier èlf
Dat wèlde veer stèllekes viere
Met veendele in de straote
'ne Nuien opzat vaan D'n Tempeleer
Mèt 'ne zier enthousiaste zjubilei-Prins
Wie Mestreech ziech zoe eine wins

e Nui initiatief neet door ederein good oontvaange
de Roed-Geel-Greune Luiper toch 'nen echte familiedaag
Get nuits gegote in aw tradities
Veur d'n ierste kier beslis geslaag

In e jaorverslaag höbbe veer besjreve
Al wat gebäörde aofgeloupe jaor
e Jaor vol tegestrijdege geveules
'ne Lach, 'n traon en de geveulege snaor

Dit bezunder jaor wouwe veer besjrieve
Zoetot dit veur 't naogslach bewaord kin blieve

Mestreech, 16 november 2012.

Tempeleers:

Guy Bannier
Nico Kempeners



Verkezing Vastelaovendsleedsje 2012

De Tempeleers hadde dizze kier de organisatie vaan de leedsjesfinale in 't kader vaan 't 100 + 6 x 11- jaoreg zjubilei.

De vakjury en selectiekemissie had in september oet de 32 ingesjikde leedsjes 7 leedsjes geselecteerd.

Op 6 november leep de Platte zaol weer good vol veur de verkezing vaan 't Mestreechs Vastelaovendsleedsje 2012.

't Mestreech VastelaovendsOrkes zörgde daobij weer veur de benudegden ambiance.

De jurering is verdeild in drei gróppe: 'ne vakjury, 'ne jury vaan prominente en wie gebrukelek 't pebliek in de zaol. Nao 't tülle vaan de pebliksstumme, d'n oetslaag vaan de vak- en prominente jury, kaom es groete winner droet 't leedsje "Vendaog höb iech geinen tied", gezoonge door duo X-Elle, teks vaan Noël Fabry en meziek vaan Raymond de Pauw. Pebliek en vakjury waore 't dit jaor hielemaol ins. In de zaol woort de polonaise al ingezet op 't winnend leedsje en de dames en srijvers woorte bedolve oonder de felicitaties.



VENDAOG HÖB IECH GEINEN TIED

1ste Couplèt:

Bij us in de gooj kamer is 't einen oonderein
pekskes, pruke, alles ligk doorein
d'n dikke zjiem steit neve d'n tv
confetti vinste zelfs op de plee
op d'n drossoir steit in de stöb gesjreve
wat e gelök um hei te mage leve...

Refrein:

Vendaog höb iech geinen tied
um te pótse, um te koke, veur de striek
want noe is 't weer zoe wied
um te springe veur dee ketelemeziek
Vendaog höb iech miech belaoft
en dat nump miech geine aof
tot es 't Asselegoonsdag is
iech vaan dee Vastelaovend gaar niks höb gemis

2de Couplèt:

't Huteke vaan ama kump ouch noe weer good vaan pas
en vaan ampa is dee slippejas
die sjoen kalbas waor vreuger vaan tant Nie
deen hoege zije vaan miene noonk Pie
vaan keends aof aon is 't us mètgegeve
wat e gelök um hei te mage leve

2 x Refrein

Jaorvergadering november 2011



In 'ne bomvolle Redótzaol voont op 18 november de openbaar jaorvergadering plaats. Dees vergadering leide 't zjubileijaor 100 + 6XII vaan de Tempeleers in. Vice-veurzitter Jean Louis Tuinstra stoont stèl bij de wisseling die binne de vereininging hadde plaatsgevoonde. Belangriek waar de installatie vaan de nuie Prizzedent Henk de Jong en habsjaar Han Hoogma. Ouch woort Roland Dear, bekind es Stadsprins 2007, es nuien Tempeleer geïnstalleerd.

In zienen installatiespeech gaof de nuie Prizzedent aon veural veuroet te wèlle kieke, same op weeg te goon nao 'n touw-koms boebij de kern zal zien en blieve: 't organiseren vaan de Mestreechter Vastelaovend. Plezeer mètein en aondach veurein.

D'n trökblik op 't afgelopen seizoen woort geprizzenteerd in 't Jaorverslaag, ingeleid door Guy Bannier. Frans Buytendijk spraak 'nen oprechte merci oet



aon d'n aajd-Hoeglöstigheid Maurice I, 'ne zonneprijs dee Mestreech geweldeg is veurgegaange tijdens dees plezerege daog. Habsjaar Han Hoogma gaof oetlègk euver de cieferkes.

Vas onderdeel is 't bekindmake vaan de Vastelaovendsvierder 2011. Die ier veel te beurt aon Patrick Gilissen, dee mèt de Vastelaovend al jaore mèt ziene camera roondlöp, de 'Vastelaovend-TV' oetbeeldt en bij mennege vastelaovendsvierder e verhaol perbeert te oontfutele.



Jaarvergadering november 2011

Oetvoereg is veuroetgekeke nao 't koumend seizoen. 't Zjubileijaor en mèt naome de nuien opzat vaan carnevalsmoendag: "De Roed-Geel-Greune Luiper". 'ne Familiedaag mèt in totaol vijf podia, boe kinder hun creaties, talente en optrejjes kinne laote zien. En op de Vriethof geit de Bataviere-kinderzitting gehawwe weure.

Ouch woort de nuien Tempeleerswien geprizzenteerd. Alweer de veerde in 'n serie vaan èlf wijne die weure gebotteld es hommaasj aon lui of instèllinge die ziech veur de Mestreechter Vastelaovend deensbaar hōbbe gemaak. De Tempeleers zien oontstande vaanoet de Momussociëtiet en dit jaor is e zjubileijaor. Es hommaasj aon de veurvaajers vaan de Momussociëtiet woort de wien dit jaor nao hun geneump: 'Cuvée Momus'.

Wie gebrukelek maakde versjèllende lui vaan de roondvraag gebruik um get onder de aondach te bringe, zoewel serieus es mèt de nudegen humor.

D'n oprings vaan de collecte mèt de collectebōs waor ouch dit jaor veur e good doel.



Op 't ind vaan de vergadering wermde Duo X-Elle mèt 't winnend leedsje 2012 'Vendaog hōb iech geinen tied' de vāōl aanweege lui op en bleef 't nog lang gezèlleg in de Redót.

Oetrope Stadsprins

't Waor zondag 22 jannewarie 2012 en de regebuie waore veurbij getrokke. 'ne Regebaog vaan vlagge kleurde eus stad. 't Waor d'n daag tot veer euze



Zjubilei-Stadsprins góng eetrope. Al hiel vreug verzamelde ziech de Tempeleers bij Hotel Mabi, boe zie woorte verkleid en gesjink es Lanteriemennekes. Wie ederein gans veerdeg waor, góng zie gezamelek nao de Statie boe zie de ierste kinnesmaking hadde mèt de nog Groeten Oonbekinde. Heer waor euvereges verkleid es Minckeleers. In 'ne groete cortège, boe alle SMV-vereininge, tal vaan jöögvereininge, zate en regulier hermenieje aon deilnaome, góng de Groeten Oonbekinde op weeg nao de Merret. Dao aongekoume liekende 't es of gans Mestreech waor oetgeloupe, um niks te hove misse vaan 't hoegtepunt vaan 't jaor in Mestreech: 't oetrope

vaan de Stadsprins.

Ouch dit jaor woort 't oetroop-thema vorm gegeve op de oetroopkaart en op de teikenplate veur de Mestreechter kinder. Hans Volders had opnui 't oontwerp vaan de kaart en vaan de teikenplaat veur zien rekening genome: de Merret-Noord, boe Minckeleers centraal steit en heer geflankeerd weurt door 'n Zate Hermenie.

Naotot afsjeid genome waor vaan Maurice I, Stadsprins vaan 2011, Ingrid en de kinder en zie nog eine keer 'n applaus in ontvangs mochte numme es 'nen hiele groete merci



Oetrope Stadsprins



veur wat zie veur de Mestreechter Vastelaovend hadde betekend, braok 't Benkelek Momint aon.

Oonder 't denderend geluid vaan trommele, truite en wat neet mie, kaom Han van den Akker oonder de vermomming oet um zich te prizzentere es Prins Han I. Ingeborg en de kinder voogde ziech al gaw bij häöm op 't podium. Oondertösse kaom d'r 'n hiel watereg zönneke door en woort 't tied um Prins Han I te installere. In zienen ierste speech reep heer de lui op um 't fantastisch Vastelaovendsfies veural SAME te viere.

Nao de ierste flicitaties in ontvangs te höbbe genome vaan familie, vrun en euze börgemeister Onno Hoes, maakde Zienen Hoegen Hoeglöstegheid e kort tuurke door de binnestad. Vervolges had heer 'n ierste kinnesmaking mèt de vertegenwoordegers vaan de SMV-vereininge en de Tempeleers-familie. Es aofsleting vaan d'n daag brach heer, traditiegetrouw, e bezoek aon de Braniemeekers in 't Lochmanhoes in Lummel.



PRINS HAN I

Pensio-pecuniaricus Musico-trombonicus Declama-orericus

Groet-Hertog vaan de Hoeg Froonte
Erfprins vaan de Pestoer Habetsstraot
Lienhier vaan 't Jekerdal
Groet Declamateur vaan 't Vertèlfestival
Directeur Musical vaan Klop Diech 'n Eijke mèt Trombone
Besjermhier vaan alle pensioene vaan 't APG mèt tèlraom
Iere-Kachelpieper avant la plume
Titulair buldreger in de gezondheidswetensjappe aon de RUL in
Mestreech
Iere-soigneur vaan de jãög vaan MHC
Drappokommandant vaan alle zate Hermeniekes
Protecteur vaan de Mestreechter Vastelaovend

De Kemissie Binnegebäöre

KINDERKEMISSIE

Jäögprinsetreffe

't Jäögprinsetreffe op 11 fibberwarie
waor weer e groet succes. Al veur de
veerde kier leep de Platte Zaol hiele-
maal vol mèt kleurege jäögvereini-



ginge oet Mestreech.

Me zeet wel dèkser “de jäög heet de
touwkoms”, meh tijdens 't JPT gelt
dat vas en zeker.

De kinder zinge en springe vaanaof
minuut ein. Ze wete wie ze zichzelf
meh ouch aandere mote ammezere.
En dat allemaal in de Mestreechter
taol.

Dit kier waore d'r ouch al twee 'neet
SMV'-vereeninge aanwezig. Dit
wèlle veer goon oetbreie in de kou-
mende jaore. Want d'r zien vööl Raod
vaan 11'kes bij beveurbeeld de scou-
ting of voetbalclub.

De cortège vaanaof de Groete
Sociëteit aon de Vriethof nae de
Platte Zaol weurt door de kinder es
fantastisch ervare.

Kinderfies

't Kinderfies waor erg drök en good
georganiseerd. De opening woort
gedoon door Zate Hermenie Oet
de Kuns en de prizzentatie door
Tempeleer Patrick van de Weijer.
Bij binnekoms kraoge de kinder
allemaal e kedoke, (sambabal mèt
lempke) en ze woorte vermaak door
Mickey en Minnie Mouse en door



De Kemissie Binnegebäöre

de mascotte vaan eus MVV, Bèr de Batteraof. 'n Dilleгатie vaan de Kachelpiepers waor present um mèt de kinder te excersere en um same mèt hun de Stadsprins te begeleie bij binnekoms.

Daoneve waor 'ne jööggróp vaan danssjaol On Beats and Bars, geleid door Helma Lousberg - van Pelt, dao um mèt de kinder 'n denske in te studere. Dat woort geprizzenteerd aon de Stadsprins en dee zjeneerde z'ch neet um actief mèt te danse. Oonder leing vaan kunsteneres Vivienne Smids mochte de kinder ouch 'n sjèlderij make (de gaaspiep vaan Minckeleers), die later dee middag aon de Prins woort aongebooje. Wijer kós me grimere, knutsele, 'n placemat-teikening make en waor d'r veur de kleinekes 'ne speelhook. Daobij waore d'r nog 'ne snópkraom, 'ne popcornkraom en gratis Ranja.



Kinderknutselwedstrijd in 't azM



22 Sjaole en peuterzaole höbbe mètgedoon aon de jaorlekse Kinderknutselwedstrijd mèt expositie in de hal vaan 't azM. 'n Hamfel sjaole waore veur d'n ierste kier debij. De sjaole exposere de kunstwerke die door de kinder gemaak zien aon de lui die 't hospitaal bezeuke. Dit jaor waor 't hiel drök bij de opening umtot op dezelfde daag ouch de jaorlekse open daag van 't azM woort gehawwe. Dat extra bezoek waor veur de deilnummers netuurlek erg leuk.

Prins Han opende de expositie en ouch Zate Hermenie Oet de Kuns waor aanwezig um de lui in stumming te bringe. Veur de prizzentatie zorgde Patrick van de Weijer

D'n ierste pries (kunstwerk de

De Kemissie Binnegebäore



Pielewie) waor dit jaor veur Basissjaol Markus. De sjaol is op donderdag 16 fibberwarie door Prins Han bezeuk um de pries oet te reike.

Sjaolebezoek

Op donderdag 16 fibberwarie brach Prins Han I e bezeuk aon BS Markus, BS Het Mozaiek, BS De Regenboog, BS Anne Frank en BS de Spiegel.

Vriedag 17 fibberwarie gaove Prins en Tempeleers carnevalogie op Basissjaol De Lëtterdoes en woort nog e bezeuk gebrach aon BS Sint Oda en BS Sint Aloysius.



De Kemissie Binnegebäöre



Gala Prinsebal

't Gala Prinsebal voont op 4 fibberwarie plaots in Hotèl Crowne Plaza. In de bovezaol en oonder stoonte dit jaor weer twie fantastische bands/orkeste. Bove späölde dansorkes Nancy Grooves en oonder de band Universe.

Prins Han opende same mèt zien charmante prinses 't Gala Prinsebal. Heer woort daobij door de aajd-stads-prinse veurgegaange; veur ederein is dit altied e prachteg momint.

't Gala Prinsebal is jaorleks 'n activiteit veur joonk en aajd.

De lui kinne z'ch ammezere in de twie zaole meh ouch in de foyer en bar vaan 't sjoen aongekleid hotèl.



De Kemissie Binnegebäöre

De Zeuten Inval

't Thema waar dit jaor “Lang leve de leefde”. De hospese vaan de kaffee waar op zeuk nao de woer leefde. Door Jaan en allemaan woort vaan al aongedrage. Vaan Sinterklaos tot 'ne knappen Italiaon op 'ne Vespa en zelfs euze Prins Han kaom kieke. Meh de woer leefde veur de hospese waar toch “De Vastelaovend”. En dat zóng zie bezunder sjoen en pakkend op deze alweer tiende “Kaffee De Zeuten Inval”.



Nostallegasie



Vastelaovendskonzèr



De Financieel kemişsie

De Financieel kemişsie heet eder jaor es taak um de nudege middele bijein te kriege um alle activiteite good te kinne organiseren. Mede door d'n inzat vaan vööl börgermètwerkere lök dit eder jaor.

Netuurlek kinne ouch de Tempelers neet zoonder de financieel ondersteuning vaan de middestand, sponsore, adverteerders en sympathisante. Veur dees hölp is 'ne groete merci zier op z'n plaats.



Promenade-diner Sofa aon de Maos

Veur d'n tweede kier is dees nui actie vaan de Financieel kemişsie gerealiseerd: 'nen diner vaan 5 geng onder muzikaal begeleiding vaan Lieke Music en 'n optreje vaan 'Dean Martin'. D'n avond waor bij Sofa, 'n geweldige locatie bij d'n Hoege



Weerd, onder leiding vaan de eigenere Jeroen en Evelyne. Insjrieve kós veur € III,--.

't Ierste jaor waor sjijs good bevallen want 't waor gans oetverkoch!

Ouch noe woort d'n

avond e groet succes. Veer mochte leefs 125 gaste begroete. Zie höbbe genote vaan 'ne prachtige avond boeop 't hun aon niks oontbroke heet.

D'r waore ouch de nudege gaste oet umligkende gemeintes die ouch 'ns wélde preuve vaan deen oonvervalde Mestreechter sfeer en vastelaovend.

Op 't ind vaan d'n avond woorte al towzègkinge gedoon veur 't kouwend jaor.

't Maag dudelek zien tot dees nui activiteit neet mie eweg te dinke is op de 'menukaart' vaan de Mestreechter vastelaovend.

D'n Trósjer

Gerard (Zjeraar) Slakhorst is neet allein op weeg gewees. Mèt get ondersteuning vaan aajd-Stadsprinse en get Tempelers heet Zjeraar de 'kruusweg' geloupe langs de Mestreechter middestand. En 't heet ziech gelouend. Want de support vaan de middestand waor dit jaor hiel sjoen en bezunder. Oondernummers, vaan harte bedank veur eur geweldege bijdraog.

De Financieel commissie

La Folie, 't bronze beeldsje, gemaak door Henriëtte Schrover, is dit jaor oetgereik aon Robin Berben vaan Café Sjik, d'n intitiator vaan 't ontbijt vaan de zate hermeniekes.



Gala Sponsoraovend

Op de Gala Sponsoraovend in 't manjefiek aongekleid

Château Neercanne kint oondernummend Mestreech op 'n sjieke en informeel wijze kontakte lègke, aonhole en versterke. Dit alles onder 't genot vaan heerleke hepkes, gooje en aofwisselende meziek en optrejes. Praote, danse, consume, alles in 'ne prachtegen ambiance.

'ne Groete merci aon de commissie en häör börgermètwerkers. Zoonder dees sponsoraovende kinne veer neet de activiteite organisere die veer zoe gere wèlle. Daank aon alle deilnummers.

De Steunpilere

Op zondag 5 fibberwarie kraoge de Steunpilere hun plaquèt (oontworpe door Ferry Schiffeleers) umgehaange door Prins Han I in de Groete Sociëteit. Oonder 't genot vaan 'n hepke, aongeboje door Mora, en 'n drenkske, aongeboje door Sjróbbeleer.

De iereplaquèt woort dit jaor geveve aon De Klomelekepel. Ouch woort de Prinseleke familie door Zienen Hoegen Hoeglöstegheid persoanlek veurzeeen vaan 'n plaquèt.

Eus vrun oet Hasselt en Toongere waore oeteraard ouch vaan de partij en de Federatie Oondernummers Vereininge Mestreech, mèt es veurzitter Jo Persoon, kaom traditiegetrouw de Stadsprins verrasse mèt 'n revèrsspang in goud in de vörm vaan 'n Prinsemöts. Dit sjoen kleinood weurt eder jaor mèt de hand gemaak



De Financieel kemişie

door Servé Monfrance vaan de gelieknaomege zjuweleer in de Brusselsepoort. Jo Persoon woort geassisteerd door kleinzoon Toine (achterkleinkeend vaan euze veurmaolege prizzedent Toine Persoon). Vodafone gaof Prins Han I 'nen iPhone mèt d'n daobij behurende ringtone vaan zie liefleed . De maatsjapeleke betrokkeheid vaan Vodafone mèt Mestreech en de Mestreechter Vastelaovend woort heimèt nog ins good onderstriept.

En netuurlek mós 't sjèlderij door veilingmeister Mao Willems geveild weure. De vrun oet Toongere hadde hei leefs € 1111,11 veur euver.

't Waor weer 'nen awwerwètse, drök bezeukde en gezèllege (mèt in 't bezunder 'nen oontreurende rijaloet vaan de kinderkes) middag in de Sociëteit. Roger Villevoye zorgde veur de muzikaal ondersteuning.



De particulere actie

De spontaone steun vaan particeleer lui weurt zier gewaardeerd. Door dees ondersteuning kinne veer de versjèllende eveneminte good organiseren. Bij de particulere actie geve lui spontaon 'n donatie aon de Tempeleers en 't bedraag bepaole zie zelf.

Wienprojek 2012

De Tempeleers Vastelaovendscuvée weurt 11 jaor laank gebotteld es hommaas aon Mestreechtere of institute die ziech bezunder verdeenstelek hóbbe gemaak veur Mestreech en d'n Trechter Vastelaovend. D'n opbrings vaan de wien weurt gebruik um euze Vastelaovend mèt naome in 't jubileijaor te entamere en te stimulare,

In dees bezunder fles zit opgeslote **CUVÉE MOMUS 2012**

De cuvée vaan dit jubeljaar 100 + 6x11 jaor Tempeleers verwijs nao d'n oonoetwibaren invloed vaan de Momussociëteit vaan 1839 -1939 in 't sociaal leve en de Vastelaovend in Mestreech. Es bezunder hommaasj aon eus illuster veurgengers, de Mómmezij, weurt deze wien aon hun opgedrage. Es beneumde erfgenaome vaan al wat De Momus us heet naogelaote zalle De Tempeleers nao ier en vermoge hun krachte inzètte um plezeer en sjariteit in 't 5de seizoen hoeg in de veendel te laote bestoon. 'ne Wien mèt e gouwe rendsje zoe wie geer zalt constateren bij 't savourere vaan deze wien. 'ne Prachtege witte wien mèt gouwe glood en wie balsem veur maog en stroot.



De P.R.-kmissie

De P.R.-kmissie is ein vaan de kleinste kmissies binne de Tempeleersorganisatie. Drei Tempeleers en vijf börgermètwerkers zörge deveur tot alle eveneminte, alles wat roontelum 't speul vaan de Vastelaovend nao boete kin en maag koume, ouch de aondach krijg in de publiciteit. Aofgeloupe seizoen stound de kmissie oonder leiing vaan 'ne nuie veurzitter, tevens d'n oetbelder, Guy Bannier. De P.R.-kmissie kint trökkieke op e geslaag seizoen. Dit is mede gelök door de gooj samewèrking mèt alle media. En netuurlek door d'n inzatz vaan de vijf börgermètwerkers en neet te vergete 't geheim sjrijverscollectief vaan D'n Tempeleer.

Speerpunt aofgeloupe seizoen waor de nuien opzatz vaan D'n Tempeleer. In 't kader vaan 't 66-jaoreg zjubilei wèlde de P.R.-kmissie get verfrissends, get gans anders. Neet allein d'n inhaajd meh ouch de prizzentatie mós 'ns vernuid weure. Dit kint geer wijerop leze in dit jaorverslaag. Daoneve waore d'r de gebrukeleke activiteite wie de infopagina's, de studente, de sociaal media, de vernuide website en de vööl en plezerege kontakte mèt de peers.

Nuie website

Door nui technieke en sneller media mós de site www.tempeleers.nl nao drei jaor 'bokekas' vernuid weure. Dat veel ouch good te combinere mèt 6XII jaor Tempeleers. De speerpunte veur de nuie site waore: 'n egetijds jeske, dudeliker, sneller (minder klikke) en 't lèste nuits veurop. De sociaal media Facebook, Twitter en YouTube (es videokanaal) woorte geïntegreerd op de thoespagina. De euveregen info is in kolomme oonderaon de home pagina bijein gezat. Twie Twitter-versies zien oetgebrach. Ei kanaal um de Stadsprins te volge en ein Tempeleerskanaal veur 't verstrekke vaan algemeinen info. Facebook hóbbe v'r mote umzètte vaan 'vrienden' nao 'likes' in verband mèt 't euverstijge vaan de 5000 vrundsjes veur dit medium.

De mies bezeukde pagina's zien: d'n evenemintekelender, de fotobeuk en 't nuits, dat in twie versies/taole te leze is.

Veer kraoge vööl positief reacties op de nuie site. Dao zien veer erg dankbaar veur, meh dat beteikent neet tot v'r achtereuver kinne leune. Jammers, veur 't koumend seizoen stoon weer nui aonpassinge op stapel. Wat zeker blijf is de twietaolegheid vaan de site.

Communicere mèt de leefhóbbers vaan vastelaovend is belangriek want dao doen veer 't veur. 'n Reactie kint geer altied kwiet via info@tempeleers.nl

Sociaal media

"Social media", zoe heite de internèttoewpassinge boemèt me informatie mèt aandere kint deile op 'n gebruuksvrunteleke en dèks leuke meneer. Veer hóbbe gekoze veur twie Twitterkenale, Facebook en YouTube (veur fèlmkes).

"Social media" steit veur "Media die diech laote socialisere mèt de omgeving boeste diech in bevins". Bij us is die omgeving de Mestreechter Vastelaovend. Op 't Twitterkanaal "Stadsprins Maastricht" (350 volgers) gaof euze Stadsprins

De P.R.-kmissie

zien reactie op eder bezeug. Geer kint leze boe De Tempeleers nao touw goon en wat me bij dat bezeug mètgemaak en beleef heet. De bezeuge zien verdeild euver de ganse stad en eder bezeug heet dus z'n eige identiteit. De Stadsprins had in ziene prinsewagel de besjiking euver 'nen iPad, gesjoonke door Vodafone. Dit bedrijf heet geweldige oondersteuning gegeve in 't veurbij seizoen. Dat waor in 't veurdeil vaan 't gebruik vaan de sociaal media. 't Twitterkanaal veur De Tempeleers (1470 volgers) is miejer informatief vaan karakter, meh kint ouch aanslete op en bij 't Twitterkanaal vaan de Stadsprins.

Facebook liet aordeg zien boe eus 'likers' mèt bezeg zien. Langs deze weeg kriege v'r vööl informatie en kinne v'r oontdèkke wat eus vrun ('likes') sjrieve en dinke. De foto's make dit nog 'ns extra dudelek. Facebook zal in 't koumend seizoen nog miejer aondach kriege.

't Videokanaal via YouTube is veur us oetgebred gewore zoetot veer praktisch gein beperkinge hōbbe um fèlmmatriaol te streamen. De interviews vaan eus stadsprins (vreuger aof te speule in 't Magazine) zien noe op dit kanaal terechgekoume. Hiel blij waore veer mèt twee korte impressies vaan de Nostallegasie en 'nen oproep veur de Roed-Geel-Greune Luiper door Stadsprins Han I. 't Wèrke mèt korte fèlms is veur us get nuits. Wat dat betrōf steit us nog 't nudeg werk te doen.

Meh zoewiezoe wèlle veer 'n eder bedaanke dee 'n reactie heet gesjik of geplaoets.

't Fies vaan Vrouw Wielemōsj

Tot de take vaan de P.R.-kmissie behuurt ouch 't lègke en verbettere vaan de kontakte mèt de studente in eus stad. Dit kint via 't geve vaan veurliechting euver vastelaovend viere in Mestreech, meh veural gebäört dat via 't speel vaan en mèt Vrouw Wielemōsj, de door Huub Noten zaoleger verzonnen patroenes vaan de vastelaovendvierende studente.

Wee die póp krijg, deveur moot zörge en in d'n optoch mètveure, dat woort vreuger bekind gemaak middels loting. Sinds veureg jaor geit 't aandere.



De P.R.-kmissie

En aongezeen 't dit kier ouch op die aander meneer gebäörde is 't noe dus traditie.

De loting blijf achterwege en in good euverlègk mèt de studente weurt 'n locatie gekoze veur de organisatie vaan 't fles vaan Vrouw Wielemösj. Studentevereininging Tragos waar obbenuits bereid häör sociëteit besjikbaar te stèlle veur de feesaovend.

Umtot veuraof neet bekind waar wee de póp te lien zouw kriege waore alle studentevereininginge good vertegenwoordeg. Ouch de Marotte oet Zitterd waore vaan de partij: hunne stadprins is naomelek lid vaan SV Tragos. D'n aovend woort opgeluusterd door Fabrizio en de hoes-DJ's vaan Tragos.

In plaots vaan 't loot zouwe kinnes en vierdegheid bepaole wee Vrouw Wielemösj moch kriege. De ludieke quiz had mie 't karakter vaan 'n ren-je-rot



aofliëvering es vaan 'ne serieuze quiz. Ouch Vastelaovends-wiki en carnevalstrivia bleke neet besteid te zien aon de studente. Dus gaof 't oonderdeel Danse en Sjanse mèt de Prins d'n doorslaag. Saurus had häör sjoenste meidske nao väre gebrach en de in verveuring gebrachde Hoeglöstegheid kós neet anders es de strijd in 't veurdeil vaan de roejvereininging te beslechte.

De P.R.-kmissie

Jaomer genóg is dit jaor niemes d'rin geslaag um de traditie vaan 't oontvoere vaan de póp in stand te hawwe. Of dit de verdeenste is vaan Saurus of kump door de aongesjerpde riggle-minte die gelde bij de oontvoering, dat laote v'r in 't midde. Feit is tot Vrouw Wielemösj gruuts aon 't Volk vaan Mestreech is getoend door de studente die z'ch veur dees gelegenheid hadde samegepak um es eine groete gróp deil te numme aon de Groete Cortège.

Magazine D'n Tempeleer

De prizzentatie vaan D'n Tempeleer voond dit jaor plaats in 't Townhouse Hotèl aon de Sint Maartenslaan. Zoewie deen aovend bleek: 'n veurtrefleke locatie mèt zier enthousiaste gashiere.

In 't kader vaan 't zjubilei waor 't gebäore doorspek mèt ver-rassing, al waor 't mer tot same mèt de zaol (bewèrkte) Sinterklaosleedsjes woorte gezoonge. Daoneve hadde de lui vaan 't maggezijn gezörg veur prachte verseringe, binne én boete. De börgermètwerkers vaan de PR-kmissie waore verkleid en gesjink es lede vaan de vreuger Mommezij. Zie hède de gaste welkom, daobij geassisteerd door e zèstal charmante studentes vaan de Hoeg Hotèlsjaol.

D'n Tempeleer is e projek boe-in de kemmaisies Financië en P.R. good same-wèrke. Dat geldt ouch veur de prizzentatie vaan 't blaad. Dit kier waor alles zjus get fiesteleker en groeter es aander jaore. Neet allein vaanwege 't zjubilei, mer ouch umtot D'n Tempeleer veur d'n ierste kier versjijnde in de vörm vaan e magazine. Gein gezèt mie wie gebrukelek waor, meh e soort tedsjrif op A4-formaat. De mètwerkers vaan de Financieel Kmissie hadde gezörg veur 'nen houp advertenties en de sjrijvers en teikeneers vaan 't Geheim Collectief veur de ludieke en soms sjerpen inhaajd. Dat collectief is 't aofgeloupe jaor euvereges flink oetgebred, wat hiel good waor veur de diversiteit aon ideeje, tekste en pleetsjes. Nui waor ouch tot D'n Tempeleer neet mie hoer-aon-hoes bezörg is gewore, meh – veur niks - te verkriege waor op tal vaan plaatse in de stad. Wie Stadsprins Han I 't ierste exemplaar had oetgepak woort 't blaad aon de lui in de zaol oetgereik en daonao woort 't stèl. Jummers, ederein mós gaw kiekte wat allemaol drin stoont. Eve later woorte 1001 complimente ge-uu



De P.R.-kmissie

riechting de mekers vaan 't blaad. Alle reie dus um wijer te goon op d'n inge-
slage weeg.

D'n Tempeleer neet gezeen of waar heer "oetverkoch"? Op www.tempeleers.nl
kint geer 't blaad ouch nog bekieke.

Meh op d'n aovend vaan de prizzentatie is altied mie aon de hand. Zoe reik
de Financieel kmissie d'n trofee de Noskaar oet aon de organisatie mèt de
sjoenste of leukste advertentie in D'n Tempeleer. Dit jaor kaum 't beeld touw
aon De Brandslang. Evert Brouwers moch de pries naomes 't samewèrkings-
verband aonnumme.

'n Zier lang traditie is 't oetreike vaan 't Tempeleersvläöjke. Dees riestevlaoj
vaan 'ne meter doorsnei, gebakke door patissier Van Rooy, is bestump veur
persoene of organisaties die bezunder verdeenste höbbe of höbbe gehad veur
(de organisatie vaan) de Mestreechter Vastelaovend. Mèt 't oug op 't zjubilei-
jaor had de P.R.-kmissie deveur gekoze um 'ne biezondere gróp te iere: de
Trèkkers. Dees vrijwèllegers stoon jammers altied gereid um optochte, meh
ouch percessies in gooj baone te leie.

De groetste verrassing vaan d'n aovend dook op bij 't oetreike vaan De
Peersplaank. Nao 'n zier humoristische pelitie-act door Jan Janssen bespróng
'n dillegatie vaan Flikken Maastricht 't podium, mèt Victor Reinier veurop.



De P.R.-kmissie

Ouch Flikke-govie Erik van Rijsselt waor vaan de partij. De lui vaan Flikke waore door de P.R.-kmissie benaoderd um De Peersplaank in oontvangs te numme, 'nen trofee, gemaak door Evelien Peeters, dee verliend weurt aon lui, instèllinge of organisaties die bezunder bijdrage aon de promotie vaan eus sjoen stad. 't Maag dudelek zien tot de pelitieserie al mierdere jaore laank Mestreech op 'n super meneer promoot.



Infopagina's

E jaor of 20 trök zien De Tempeleers begós mèt 't oetbringe vaan 'n Infogezèt. Me wouw de Mestreechtenere miejer en beter informere euver de vastelao-
vend en alles wat bij de organisatie daovaan kump kieke. Dat had zin, meh 't
make vaan 'n ganse gezèt neve D'n Tempeleer waor op d'n doer toch get vööl
gevraag. Dus góng veer euver op losse pagina's, iers in de Maospos en de
lèste jaore in De Ster. Aofgeloupe seizoen zien 7 vaan die pagina's oetgebrach.
De ierste versjijnt altied aon de veuraovend vaan de openbaar jaorvergadering,
d'n eigeleke start vaan 't vijfde seizoen. Tege d'n tied vaan 't oetrope vaan de
stadsprins kump de volgende en daonao is 't eder week pries. Vas punt op dees
pagina's is de kelender vaan activiteite. Daoneve weure alle activiteite kort of
get langer beliech. Geregeld is d'r ouch 'n interview. Beveurbeeld mèt de priz-
zedent dee nui beleid touwliech, of d'n aajd-stadsprins dee trökloert op 'ziene'
vastelaovent. Direk es 'nen Info gepubliceerd is gewore, kump dee op euze
site te stoon. Dao kint geer ouch de pagina's vaan 't veurbij seizoen trökze.

De Kanselarijraad

De Kanselarijraad is de kemişsie die waak euver 't protocol. 'n Zier wiechtege zaak die op de sjouwers vaan dees kemişsie rös is 't oetzeuke en benaodere vaan 'ne kandidaot veur 't Prinssjap. Es daan dee Prins is oetgerope op de Merret, daan geit heer same mèt de Tempeleers op tal vaan plautse bezeukskes aoflègge. En bij eder bezeukske weure ouch lui in 't zönneke gezat door middel vaan 't oetrike vaan 'n medaalje.



Zoewie eder jaor (tot noe touw) keze De Tempelers twie thema's veur hun medaajele.

De Prinsemedaajel refereert wie eder jaor aon "get" oet de aw does boebij ditmaal gekoze waors veur "de knijnsbats" zoe-es die dèks door ma op zondag woort geserveerd.

De Templeersmedaajel die in versjèllende gradaties weurt oetgereik stelde dit jaor "de gaaspiep vaan Minckeleers" veur, verwiezend nao de ambteleke discussie die plaatsvoont umtrint de jaor-

lekse koste vaan 't gaas um de piep te laote branne.

Um uuch e beeld te geve wiewäöl medaaljes door Prins Han I zien oetgereik geve v'r uuch onderstaond 'n opsomming vaan de aontalle:

2911	Prinse-knuipkes
244	Kindermedaaljes
1288 x	Ridder in de orde vaan de Knijnsbats
444 x	Ridder in de orde vaan de Gaaspiep vaan Minckeleers
166 x	Offeceer in de orde vaan de Gaaspiep vaan Minckeleers
155 x	Kommandäör in de orde vaan de Gaaspiep vaan Minckeleers en
333 x	Groet-Offeceer in de orde vaan de Gaaspiep vaan Minckeleers

De Kanselarijraad

G'r kint uuch veurstèlle tot vööl lui, vereininge, organisaties 't geweldeg vinde es de Prins en de Tempeleers op bezoek koume. Jaorleks valle e paar hoonderd verzeuke bij de Sikkertaris-Ginneraol in de bös. 't Is zien taak um zoevööl meugelek vaan de verzeuke te honorere. Meh dat neet allein, es de Prins örgens op viziet geit, huurt dao begeleiding bij vaan 'n aontal Tempeleers, Opper, Adjudant, chauffeur en eventueel Kachelpiepers. G'r kint uuch indinke tot dat dèks hiel get gepuzzel oplievert um alles in gooj baone te leie.

Veur 'n aontal bezoeken is 't inmiddels 'n traditie tot Prins en Tempeleers hun opwachting make. Meh eder jaor zien d'r gelökkeg ouch verzeuke veur 'n viziet op plaatse boe v'r nog neet ieder present zien gewees. En euvral boe de Prins z'n opwachting maak bliek tot de Vastelaovend nog volop leef onder de lui.

Ein vaan de traditioneel bezoeken is aon de Hotèlsjaol in Lummel. Al mie es viefteg jaor weurde Prins en Tempeleers dao gasvrij oontvaange veur 'ne Lunch Carnavalesque. Aon dee lunch weurt deilgenome door vertegenwoordigers vaan 't openbaar bestuur, 't bedrijfsleve en 't vereenigingsleve en is mede bedoeld um de oonderlinge kontakte aon te hole.



dameszitting in Heugem



'n nui traditie

bij de Jumbo's op Potteberg



gebore op 11.11.2011



op bezoek bij de piotte

bij de Sjetelsplakke
in kaffee Jour de Fête

rippetitie bij Famfaar St. Joezep

sjèlderije in kaffee
't Häönsje



Garderizzjemint De Kachelpiepers

Veur 't Garderizzjemint De Kachelpiepers waor 't seizoen 2011-2012 memorabel en bezunder.



Op de ledevergadering in november woort afsjeid genome vaan euze veurzitter Corné Gilissen. Heer droog de veurzittersshamel en -plaquèt euver aon Charles Peeters, dee mèt vööl elan en plezeer de take vaan Corné heet euvergenome.

Mèt enthousiasme en 'nen houp lol woort gerippeteerd es pripperatie op de Vastelaovend 2012. Dee zouw zoe-wiezoe al bezunder weure: jammers drei aajd-Stadsprinse, Guy I, Norbert I en Charles II, zouwe same mèt Han van den Akker en Benoit Schyns geïnstalleerd weure es Kachelpieper door de nuie Stadsprins.

Nao de ierste optrejes in Hier en op Sint Pieter trokke de Kachelpiepers veur 't oetrope vaan de Stadsprins nao de statie um volges traditie de cortège te opene. Meh iemes oontbraok. Neet aafgemeld en ouch neet te bereike. De vraag: "Weurt heer 't daan toch?" woort



Garderizzjemint De Kachelpiepers



neet vööl later mèt 'n explosie vaan vröög mèt JAO beantwoord. Veur 't iers 'ne Kachelpieper Stadsprins.

Zoe kaom 't tot Stadsprins Han d'n Ierste op maandag 23 jannewarie neet allein de aspirante meh ouch – en dat is uniek - ziechzelf installeerde tot nuie Kachelpieper.

't Sezoen dat achter us ligk waor ouch zjubileijaor vaan De Tempeleers. Zie booje hun Garderizzjemint mèt plezeer aon es kedo, mèt naome aon de prinse in de boetewieke.

De traon kaom evels ouch um d'n hook. De zjus beneumde nuie veendeldreger kaom in de lappekörf. En vööl te vreug, mèt intens verdreet, móste veer afsjeid numme vaan aajd-veurzitter en aajd-lid Frans Buytendijk dee obbins vaan us woort weggenome.

In september 2012 moch 't Garderizzjemint mètwerke aon 'Bepie in Ahoy', 'n hoegtepunt in de historie vaan De Kachelpiepers.

't Garderizzjemint is neet mie weg te dinke oet 't Mestreechter Vastelaovendsleve en wèlt die plaots gere behawwe.

Stèllekes goon veer op weeg nao 'Kachelpiepers z.o': 'n modern vereininging boe veural plezeer en protocol hand in hand goon, in vrundsjap en ummer dao veur de Mestreechter Vastelaovend.

Op weeg nao de mach



Op weeg nao de mach

't Is de zaoterdag veur Vastelaovend. D'n daag tot d'n Hoeglöstegheid zie rok-kostuum inruilt veur zie Bourgondisch pak. Heer prizzenteert ziech veur d'n ierste kier in 't bijzien vaan familie en vrun in 't Prinselek Pelies.

Vervolges weurt heer nao de Lijnwèrkplaots vaan NS in Lummel gebrach. Vaan dao-oet maak heer op 'n bezunder meneer z'nen entree op de Statie vaan Mestreech-Centraal.

Vaanwege 't zjubilei vaan 6x11 heet de NS koste noch meujte gespaord en heet 'n hiel bezunder treinstèl oet 1946 inclusief 5 maan perseneel oet Haarlem laote aofkoume: de MAT '46. Vaanoet de Statie geit zienen Hoegen Hoeglöstegheid in de bak van 'ne sjiaken oldtimer in 'ne cortège op weeg nao de Merret. Oonderweeg weurt 'n sjitterende choreografie oetgeveurd door de Tempeleers, die dit jaor loupentere hunne Prins begeleide.

De rôt verlöp via de Kesselskade en de Hoonderstraot. Euze zjubileiprins heet 't veurrech um dao 3 confetti-douches te mage ontvaange.

Op de Merret aongekoume weurt nog iers 'n hommaasj gebrach aon 't Mooswief, patroenes vaan de Mestreechter Vastelaovend, door middel vaan 't umhaan-ge vaan 'ne greuntekrans. Dee weurt eder jaor opnui sjiak gemaak door de familie Meijer-Scharis.

Nao nog 'ne salu te hóbbe gebrach aon 't Mooswief

en 't volk op de Merret, geit 't daan ech gebäore. De Prins melt ziech op 't Stadhoes um dao mèt hólپ vaan de sirremoniemeister 'Die vaan Us' veur drei daog nao hoes te sjikke en de mach euver te numme.



Machseuverdrach

Terwijl boete nog 'n ierbetoen aon 't Mooswief woort gebrach, vroeg euze bürgervaajer binne eve e momint de aondach veur 't feit tot 't 'n sober Machseuverdrach zouw weurde.

Vaanwege 't ski-ongelök vaan Prins Friso hadde 'n aontal gaste mote aofzègke. Nao dees explicatie door de bürgermeister maakde de Tempelers mèt Prins Han I hun opwachting in de hal vaan 't Stadhoes.

Veureg jaor had Jan Janssen aongekondeg tot 't z'ne lèste kier waar gewees es Sirremoniemeister.



Machseuverdrach

Umtot z'ne be-oogden opvolger evels beneump woort tot Gouverneur vaan Limburg en de Tempeleers op dat momint geine gesjikde opvolger kóste vinde, woort Jan bereid gevoonde nog ei jaor de strijd mèt 'die vaan us' aon te goon. Dat waor veur börgemeister Onno Hoes aonleijing um Anneke Janssen te ver-rasse mèt 'ne stroek plestik blomme onder 't mom vaan: die hawwe langer en de wèts mer noets of heer volgend jaor neet weer kump.

Nao vervolges z'n collegelede stök veur stök veur 't vootleech te bringe mèt zake die ze 'good' gedoon hadde, kraoge de Tempeleers 'ne sjamp te verwèrke euver de vernuiing vaan de veendel veur de Kachelpiepers.

Al gaw zaog de börgemeister in tot heer mer beter de mansard kós vrijmake



veur z'nen opponent Jan Janssen dee z'n opwachting maakde in 'ne scoot-mobiel.

Op de vaan häöm bekinde meneer veegde heer de grond aon mèt 'die vaan us'.

Zoe kraog o.a. wèthawwer Jacques Costongs 'n veeg oet de pan nao aonleijing vaan z'n ideeje mèt betrèkking tot de vlam vaan Minckeleers en woort wèthawwer Gerdo vaan Grootheest aongepak euver 't losloupterein veur hunnekes op de Sint Pietersberg.

Wèthawwer Albert Nuss kraog de wind vaan vääre euver ze twitter-gedrag. Euze Sirremoniemeister kós neet anders es concludere tot 't rechtens aw

Machseuverdrach

traditie tied waor um 't College vaan börgemeister en wèthawwers veur drei daog nao hoes te sijkke zoetot Prins Han I kós goon regere euver Vastelaovendvierend Mestreech.

Nao 't euverhandege vaan de zèlvere scepter en de stadssleutel waore d'r nog de mominte vaan 't verkleie en decorere vaan 'n aontal gaste.



In 'ne rijaloet góng 't gans gezèlsjap mèt Prins Han veurop riechting Collekamer veur 't drinke vaan d'n Ierewien. De zaoterdag woort beslote mèt 'n grandioos Prinse-receptie in de Redòt boe alle lui die ziech op ein of aander meneer verdeenstelek hadde gemaak veur de Tempeleers en de Mestreechter Vastelaovend oet han vaan Prins Han 'n Vastelaovendsoondersjeing in de Orde vaan de Gaaspiep vaan Minckeleers opgespangk kraoge.

Machseuverdrach





De Vastelaovendsdaog

Vastelaovendszoondag

Op vastelaovendszoondag hōbbe veer 't weer vaan alle sezoene mètgemeak. Rege, snie, lekker zōnneke, alle jaorgetijde passeerde Mestreech.

Nao 't oethaange vaan de Prinseleke veendel aon 't hoes vaan Han I troke 'n groete stoet nao 't Vriethof, boe um 12.11 oor de 11 sjeut vaan 't Momus-kenon euver de Vriethof knalde es teike tot de vastelaovend ech begonne is.

Daonao góng hiel Mestreech ziech pripperere veur de Groeten Optoch. En ouch dit jaor waore d'r weer vāöl origineel en kleurrieke grōppe en einzelgeners die mètlepe in deze cortège.

't Is altied zier bezunder te kieke nao 't speul wat al die deilnummers doen, de act die weurt oetgebeeld, de kōös um get op d'n hak te numme. Dao is 't vastelaovends-speul ouch veur.

Oondanks de rege, kaw, snie die aon 't begin vaan de Groeten Optoch neerdwarrelde wie confetti euver de vāöl deilnummers en touwsjouwers, waor de stumming opperbès. En gaondeweeg de middag versjijnde toch 'n heerlek vastelaovendszōnneke.

's Aoves trok 'n groete grōp in de Cramignon door de vol straote vaan Mestreech.



De Vastelaovendsdaog



De Vastelaovendsdaog



De Vastelaovendsdaog



De Vastelaovendsdaog



Vastelaovendsmaondag

D'n daag vaan e nui initiatief: de Roed-Geel-Greune Luiper. De Luiper is gerealiseerd in samewerking mèt De Keemeleers. 't Weer: fris meh mèt e zönneke. 't Startsein woort gegeve um 14.11 oor in de Stationsstraat op 't pleinsje ter huugde vaan de Lieg Barakke door de Stadsprins en de Vors vaan De Keemeleers.





De Vastelaovendsdaog

Bij de start woorte op 5 plaatse in Mestreech hoonderde ballonne (blauwe en witte in Wiek; roej, geel en greune in Mestreech) de loch in gelaote es opening vaan de Luiper. De nudege hölp woort gelieverd door Scouting St. Gerlach. 5 Podia laoge op de rôt: de Klok in Wiek (vertrèkpunt), Cörversplein, 't Pothuiske, Kesselskade en Merret-Noord. Op eder podium waore 2 aajdstadsprinse aonwezeg die dao de rezjie hadde.

Opzat vaan de Luiper: Ederin dee ziech gerope voolt (kinder, einzelgängers, gróppe, hermeniekes) kraog de meugelekehede op ein of mierer podiums 'n optreje te verzörge c.q. ziech te prizzentere aon 't volk vaan Mestreech. Speciaal veur de kinder waor d'r de kinderarroesjel. Kinder kinne ziech op de versjellende podiums in hun sjoenste pekske prizzentere aon gans Mestreech of mesjiens wel e leedsje zinge.
Zienen Hoegen



Hoeglöstegheid, veuraofgegaange door de Kachelpiepers, maakde de rôt langs alle podiums um te zien wat ziech dao allemaal aofspäölde. Aongekoume op de Vriethof woort 't défilé aofgenome veur alle gróppe die op de ein of aander meneer deilgenome hadde aon de Roed-Geel-Greune Luiper. Ederen deilnummer kraog 'n herinneringsmedaasje en veur de kinder waor d'r get lekkers vaan Jamin.

De Vastelaovendsdaog

Of dat nog neet genóg waor woort nao aofloop vaan de Luiper, in sawewèring mèt de Bataviere, de Boetegewoen Poetezitting gehawwe. e Nui initiatief. Bedoeling heivaan is um families, meh ouch ederen aandere vastelaovendsvierder te laote genete vaan e gevarieerd meziekprogram: veur en door families; 1,5 oor ammeziasie op de Vriethof.



De Vastelaovendsdaog





De Vastelaovendsdaog

Zate Hermeniekes vergadere en goon op concours

Op maandag 7 fibberwarie voont weer de jaarvergadering vaan de zate hermeniekes plaats in de MMH, oftewel de Platte Zaol. De zaol waor weer good gevöld en 40 hermeniekes waore mèt vööl lede aonwezeg um alvas 't carnavalsgeveul te preuve en de loting mèt te make.

Hermenie Mieljaar de Moer Euver verzörgde 't muzikaal gedeilte en de gooje sfeer.

Dit jaor waor de actie vaan de Zate Hermeniekes bestump veur de Stiechting Stap Voor Stap. D'r woort 600 euro opgehaold!

De loting veur de volgorde bij 't concours waor in twee geknip, boebij 't tweede gedeilte woort veurgezete door Stadsprins Han d'n Ierste.

Veur de poos woort 't carnavalsleedsje "Vendaog höb iech geinen tied" mèt alle aonwezege oonder leiding vaan Duo X-Elle geoeffend. De zaol woort verras door Segura, dat op bezunder wijs 'n aontal Mestreechse vastelaovendsleedsjes späölde. Meh daan samba-style.



De vergadering woort afgeslote mèt de humoristische roondvraag vaan euzen onnaovolgbare Guido Oomen. Heer wis zelfs d'n tied in de gate te hawwe! Volgend jaor weurt de meziek verzörg door Klop d'ch 'n Eijke, want zie höbbe nómmer 11 geloot.

De Vastelaovendsdaog

Op dinsdag 21 fibberwarie woort 't groet Zate Hermeniekes Concours gehawwe.

Um èlf menute nao èlf kraog hermenieke Katerjach e sjoen oontbijt aongebouje bij de Vogelstruys. Zie lete ziech de eier en 't spek (en netuurlek de nudege pèlskes) good smake. Dat zörgde veur 'ne gooje boojem veurtot zie es ierste 't Vriethof op móste.



Vaanaof 12.30 oor trokke tientalle hermeniekes door de stad um 't volk te traktere op prachtige vastelaovendsmeziek. In versjèllende heilegehuiskes stoont 'ne kaffeejury klaor um hun te beoordeile en menneg pèlske zörgde dao veur nuien ammezuur.

Um èlf nao twie begós 't concours op de Vriethof. Op 't podium, oonder 'n straolende zon, prizzenteerde de hermeniekes ziech aon 't massaal opgekoume publiek en beoordeilde de 'kritische' hoofjury de meziek en 't uterlek vaan de muzikante. Daankzij de Vriethofoondernummers waor d'r weer 'ne sjoenen ierste pries. Dee pries woort, nao breid oetgemete beraod, touwgekink aon alle hermeniekes.



De lêste menute

Nao veer weke vaan noord nao zuid en vaan oos nao wes hiel Mestreech bezeug te hóbbe en euveral e bitsje Vastelaovendsplezeer gebrach te hóbbe, kump toch dat emotioneel en oonvermijdelek momint op dinsdagaovend. 'ne Bomvolle Vroethof nump daan aofsjeid vaan Stadsprins Han I. Nao e paar lêste wáörd, 't trompötspeul vaan Jean Lambrix, 't same zinge vaan 't Mestreechs volksleed, kump 't Mooswief weer nao onder, gief de Prins de scepter en Prinsemöts trök aon de Prizzedent-Tempeleer um daan weer es gewoene börger same mèt vrouw en kinder nao hoese te goon um dao alles rösteg te laote bezinke vaan wat häöm de afgeloupe perjoed allemaol is euverkoume. Vastelaovend 2012 is weer veurbij. 't Waor sjoen gewees.



In Memoriam

Neve de vräög die veer same mèt uuch mochte beleve tijdens de Vastelaovend 2012 onder leiing vaan Prins Han I, woorte veer es organisatie ouch geconfronteerd mèt verdreet. Verdreet um 't feit tot 'n aontal lui die ing aon eus vereineging verboonde waore, dit eerds leve höbbe mote verlaote. Veer gedinke:

Frans Buytendijk

† 6 miert 2012

Volslage onveurbereid woorte v'r op dinsdag 6 miert 1012 geconfronteerd mèt de mètdeiling tot Frans tijdens 't sporte neet good gewore waor, eve later gevolg door de kemissie tot alle hölp neet moch bate. Frans waor doed, 52 jaor joonk!! Nao 'n aontal jaore lid te zien gewees vaan de Kachelpiepers woort Frans in 1995 gevraog um Tempeleer te weurde. De ierste jaore waor heer lid vaan de PR-kemissie en daonao lid vaan de Kanselarijraad um bij die lèste kemissie in 2002 't veurzittersjap op ziech te numme en bijgevolg deil oet te goon make vaan 't bestuur vaan de Tempeleers. Onder zien leiing woorte Prinse veurbereid op hun taak um es Stadsprins veur te kinne goon in de Mestreechter Vastelaovend. Frans en Protocol waore ein. Frans stoond veur z'n zaak. Veer zalle zien gedrevehed goon misse. Mèt respek rappelere veer us zien bezunder verdeens-te veur de Tempeleers en de Mestreechter Vastelaovend. Veur al zie werk zien v'r Frans vööl dank versjöldeg. Vööl te vreug höbbe v'r afsjeid mote numme. Frans, de blijfs in eus memorie. Merci en um mèt dien eige wäörd te eindege: "V'r zien us!"



Ton Dello

† 21 miert 2012

Ton waor es börgermètwerker aon eus vereineging verboonde. Heer waor neet zoe mer 'ne börgermètwerker. Heer waor lid vaan de Trèkkers en regelde dao same mèt z'n vrun mennege stoet/optoch/cortège/percessie in Mestreech. Meh Mestreech en zeker de midde-stand, heet Ton Liere kinne es aartsbedeleer es heer weer naomes de Tempeleers es Trósjer langs kaom veur 'n financieel bijdraog veur de Mestreechter Vastelaovend. De lèste jaore leet z'n gezondheid häöm mie en mie in de steek. Op 21 miert 2012 waor 't veur Ton aofgeloupe op dees eerd. Vaanoet de Slevrouwebasilek woort heer onder groete belangstèlling oetgeleide gedoon. Ton, merci veur dienen inzatz veur de Tempeleers en veur Mestreech.

Herman Frantzen

† 24 miert 2012

Sins 1946 waor Herman lid vaan 't Graaf van Sint Servaos. Daoneve waor heer nog actief veur tal vaan aander organisaties. Toch zag heer in 1970 jao op de vraag um touw te treije tot 't college vaan Tempeleers. In de 42 jaor vaan zie lidmaotsjap bij de Tempeleers heet heer versjellende functies mage bekleie. Zoe waor heer veurzitter vaan de Financieel kemissie, 2de Kretser en Sikkertaris-Ginneraol. Ouch waor Herman jaorelaank verantwoordelek veur 't samestèlle vaan 't Jaorverslaag. Tot 't lèste momint bleef Herman belangstèllend informere nao 't wel en wee vaan de vereineging. Lankzaam gong de bougie oet en op 24 miert 2012 heet Herman op 97-jaorege leeftied afsjeid genome van dit leve.



In Memoriam

Veur ziene jaorelangen inzat veur Mestreech in 't algemeen en de Tempeleers in 't bezunder, zègke veer: Merci Herman! 't Waor 'n ier um diech es Tempeleer gekind te hōbbe.

Lou Buytendijk

† 22 aprèl 2012

Op d'n daag tot in de Sint Servaasbasiliek de zèswekendeens veur ziene zoon Frans gehawwe woort, is Lou gestorve. In 1960 glorieerde heer es Stadsprins Lou II euver Mestreech. Vaanaof toen bleef heer, mèt 'n korte onderbreking in de zeventeger jaore, tot aon z'nen doed verboonde aon de Tempeleers. Langen tied maakde Lou deil oet vaan de Balkemissie en de Kanselarijraad tot heer in 1994 lid woort vaan de Senaat. Ind 2006 woort Lou geconfronteerd mèt de krenkde vaan Alzheimer. Daankzij de steun en zörg die vaan alle kante woort aongereik, heet Lou tot 't lèste momint in z'n eige umgeving same mèt Maria vaan 't leve kinne blieve genete. Veur al die jaore tot Lou ziech heet ingezat veur de Tempeleers is 'ne merci op z'n plaats. Lou is noe weer vereineg mèt mèt ziene zoon Frans en same zalle ze us oongetwiefeld vaan örges daobove blieve volge. Lou, adie en tot later.



Mia Vijgen-Schappin

† 1 mei 2012

Es de echgenote vaan euzen Iere-Tempeleer Jacques Vijgen, heet Mia ziech altied in de sjeem vaan Jacques gestèld. Mia zörgde deveur tot Jacques tot in de puntsjes verzörg zie werk veur o.a. de Tempeleers kós doen. Sins d'n doed vaan Jacques leefde Mia nog mie trökgetrokke. Op Gerlachus en later op Campagne heet ze op häör meneer nog volop vaan alles kinne genete. Op 1 mei 2012 woort Mia weer vereineg mèt häöre Jacques.



Luu Lieben

† 8 augustus 2012

Es 'ne Vastelaovendsvierder in hart en nere, kós 't neet oetblieve tot Luu 'ne kier Prins zouw weurde. In 1973 waor 't zoe wied en moch heer es Stadsprins Luu I Mestreech veurgoon in de Vastelaovend. Veer rappelere us zien hartelege kammeraotsjap es Aajd-Stadsprins binne de Aajd-Stadsprinsse Sósjetit. De lèste jaore woort 't stèl rond Luu. 'n Slopende krenkde had ziech meister vaan häöm gemaak. Op 8 augustus 2012 is Luu ingeslaope en is häöm wijeren elend bespaord gebleve. Luu, merci veur d'n vrundsjap en betrokkeheid bij de Mestreechter Vastelaovend.



Fenny Jessen – Bartholomeus

† 30 september 2012

Fenny kaom in 1989 'in beeld' wie häöre Robert woort oetverkoze um es Stadsprins Robert I Mestreech veur te goon in de Vastelaovend. Daonao bleef Fenny in beeld es Hoedsouf in de perjoed vaan 1991 tot 1999 wie Robert es Tempeleer aon eus organisatie verboonde waor. Besjeie en altied eve korrek bleef Fenny op d'n achtergrond en stont ze Robert bij in zie werk veur de Tempeleers. In 2010 woort Fenny geconfronteerd mèt, wie ze zelf umsjreef, de "koej bieskes". Same mèt Robert góng ze de strijd aon. 't Is häör spieteg genóg neet gegeve dee strijd te winne. Op 30 september 2012 eindigde e vööl te kort leve op 58-jaorege leeftied. Fenny, 't waor sjiek tot v'r diech gekind hōbbe. V'r hawwe diech in eus gedachte!



De Tempeleers

(situatie vaan 11 nov. 2011 tot 11 nov. 2012)

Besjermhier

Dhr. Onno Hoes
Börgemeister vaan Mestreech

Iere-Besjermhier

Mr. Philip Houben
Aajd-Börgemeister vaan Mestreech

Iere-Tempeleer

Funs Wolfs

Protecteursraad

Dhr. O. Hoes, veurzitter
drs. L. Brans Brabant, vice-veurzitter
drs. M.A.W. Cootjans
mevr. M.L.H. Depondt-Olivers
dhr. P. Doveren
ir. F. Erens
drs. G. Janssen
dr. ir. J.G.M. de Jong
mr. E.Q.F. Klomp
drs. B.J.P. Mol
dhr. M.M.J. Mourmans
mr. E. de Vries

Bestuur

Henk de Jong, Prizzedent
J.L. Tuinstra, Vice-Prizzedent tot 19 apr. 12
John Zeguers, Vice-Prizzedent sinds 1 juni 12
Nico Kempeners, Kretser
Han Hoogma, Habsjaar

Frans Buytendijk, vz. Kanselarijraad † 6.03.12
Roland Dear, vz. Kanselarijraad sinds apr. 2012
Henri Janssen, vz. Binnegebäöre sinds apr. 2012
Guy Bannier, vz. P.R. kemissie/ Oetbelder
Maurice v.Engelshoven, vz. Boetegebäöre
John Zeguers, vz. Fin. Kemissie tot 1 juni 2012
Théon Kennis, vz. Fin. Kemissie sinds 22 juni 2012
Jan Janssen, Sirremoniemeister

Lede

Bert Beenkens
Lou Buytendijk † 22.04.2012
Jos Detisch, sinds sept. 2012
Rob Dohmen, vice veurzitter Kachelpiepers
Pol Feron
Wielie Fey
Wim Fischer
Marcel Franssen, sinds juni 2012
Herman Frantzen † 24.03.2012
Norbert Frijns, sinds aug. 2012
Tom Gilissen, lid tot 18.04.2012
Jos Gordijn, sinds juni 2012
Frits Jongen, medaaljesjatbewaorder
Richard Jongen, sinds juni 2012
Pascal Keulers, lid tot 28.01.2012
Willem Kroon
Eric Lamberti, sinds sept. 2012
Hans Linnemann
Willy Massot
Boy Olivers
Jo Ramaekers, lid tot 24 sept. 2012
Frans de Rouw, sinds juni 2012
Victor Salentijn
Luc Schoonbrood, Sikkertaris-Ginneraol
Pie Steffens
Han van Trier
Willy Verweij, Marchal Funkeleer
Patrick van de Weijer
Raymond Willems

De Tempeleers

De Organisatie

Kemissie Boetegebäöre

Maurice van Engelshoven, veurzitter
Daniëlle Bollen-Berghmans
Jos Detisch
Peter van der Eerden
Pol Feron
Han Hoogma
Frans-Jozef Jansen
Jan Janssen
Frans Leltz
Hans Linnemann
Jef Persoon
Jo Ramaekers lid tot 24 sept. 2012
Jean Rossell
Han van Trier
Twajn Vermin

Maggezijn

Pol Feron, directeur
Pierre Dassen, beheerder
Frans Boesten
Nico Borgignons
Harrie Crapels
Pedro Dassen
Peter van der Eerden
Jan Hameleers
Roger Hameleers
Ton van Hoof
Harie Hul
Frans-Jozef Jansen
Michel Jungschleger
Jean Lenaerts
Ron Rammers
Lucien Scharis
Charles Walthie
Kim Willems

Kretserij/Archief

Nico Kempeners, kretser
Jopie Franssen
Hans Hollanders, fotograaf
Armand Peereboom

De Trèkkers

Servé Meerten, veurzitter
Peter Aarts
Raymond Bergmans
Raymond Brands
Ralf Caenen
Hennie Coenen
Ton Dello + 21 miert 2012
Jos Detisch
Guido van Dijk
Remy Frints
Peter Gense
Harrie Gulikers
Peter Hendrikk
Herman Kersten
Maurice Kertzman
Jack van der Meulen
John Munnichs
François Pletsers
Marcel Rassin
Ralph Schrijnemakers
Ed Strijp
Peter Stroes
Winnie Vrijens
John Wagemans
Marcel Zeegers

Kanselarijraod

Frans Buytendijk, veurzitter † 6 miert 2012
Roland Dear, veurzitter vaanaof aprèl 2012
Bert Beenkens, raodshier
Wim Fischer, raodshier
Norbert Frijns, sinds aug. 2012
Jan Janssen, Sirremoniemeister
Frits Jongen, Medaaljesjatzbewaorder
Luc Schoonbrood, Sikkertaris-Ginneraol
Jean-Louis Tuinstra, raodshier
John Zeguers, vice-Prizzedent

Nico Brennert, chauffeur Prins
Bèr Janssen, chauffeur Tempeleers

't Garde-Rizzjemint de Kachelpiepers

De Tempeleers

Kemissie Binnegebäöre

Henri Janssen, veurzitter sinds aprèl 2012
Guido Baartscheer
Marion de Bont
Gerda Boty-Prinse
Roland Daems
Fabienne Delnoy-Duchateau
Rob Dohmen
Rik van Engelshoven
Noël Fabry
Jasmijn Fischer
Iris Franzen-Castro
Jef Froijen
Ursula Garnier
Jos Gordijn
Loes Hermanns
Roel Janssen
Charles de Jong
Henk de Jong
Pascal Keulers, tot fibb. 2012
Marijke Kroon
Willem Kroon
Rens Lasoe
Tiny Lasoe
Ludo Mesters
Patrick Muijtjens
Susanne Muijtjens-Loontjens
Lambert Nafzger
Michel en Juliette Nafzger
Mieke van der Nat
Roger Niël
Jef Persoon
Marcel Spierts
Huib Stevens
Ed Strijp
Peter Stroes
Kenneth Tan
Frans Theunisz
Vincent Vanderbroeck
Frank Verhees
Willy Verweij
Étienne Vroemen
Henk Weerts
Patrick van de Weijer
Chris van Wunnik

Evert-Jan Zelders

P.R. Kemissie

Guy Bannier, veurzitter en Oetbelder
Iwan Bruijnzeels
Rob Christiaans
Maurice Coenen
Yves Frissen
Fernand Paulissen
Victor Salentijn
Jean Louis Tuinstra, sinds aprèl 2012

Financieel Kemissie

John Zeguers, veurzitter tot 1 juni 2012
Théon Kennis, veurzitter sinds juni 2012
Jo Bosch
Ton Dello † 21 miert 2012
Wielie Fey
Marcel Franssen
Imgriet Habets
Frits Jongen
Richard Jongen
Emile Meuwissen
Boy Oliver
Katja Rodts
Frans de Rouw
Ton Schoenmaeckers
Gerard Slakhorst, Trósjer
Zoé Veugen

Kemissie Gala Sponsor aovend

Théon Kennis, veurzitter
Henri Hochstenbag
Eric Lamberti
Marnix Postma
Guido Quaden
Luc Reinards
Math Schoenmaeckers
Servé Tillie
Eugène Vingerhoeds
Funs Wolfs

Epiloog

Es samestèllers vaan dit jaorverslaag hope veer tot geer obbenuits de vastelaovend 2012 hõb mage beleve. Veer danke de kemissies veur hun bijdraog aon dit jaorverslaag.

't Waor e seizoen boe de eveneminte good zien geslaag en boe veer gruuts op trökkieke, meh ouch e seizoen mèt 'n dobbel gevoel door 't verlees vaan dierbaar lui.

Veer hõbbe evels neet de pretentie gehad um alle aktiviteite te besjrieve, daoveur zien d'r in e seizoen ouch hiel erg väöl. Veer hope tot geer dat kint begriep.

Meh dit beukske gief toch e good euverziech euver afgelopen jaor.

Gief 'n euverziech wat de Tempeleers hõbbe gedoon in 't belang vaan de Mestreechter vastelaovend en gemeinsjap.

De Tempeleers hõbbe dat evels neet allein gedoon en zien daorum dank versjõldeg aon:

B&W en de Gemeinteraod vaan Mestreech

D'n Deens Stadsbeheer en Facilitair zake

Brandweer

Pelitie

GGD

Alle Börgermètwerkers in de versjèllende kemissies

Ederein dee door ziene/häöre financiële steun de rangatie vaan de vastelaovend meugelek maakde

Meh veural bedaanke veer hiel gruuts

't Volk vaan Mestreech

Colofon

Oetgaof	Stiechting De Tempeleers Posbös 2424 6201 EA Mestreech
Samestelling	Tempeleers Guy Bannier en Nico Kempeners
Bewèrk door	Louis van den Bongaert en Rob Christiaans
Oplaog	700 stöks
Foto's	Hans Hollanders
Drök	Drökkerij T.O. Offset-Gijsemberg, Hertogsingel 9, Mestreech

